



91 წლის წინ, 1933 წლის 2 აპრილს დაარსდა გაზეთების: „თერჯოლის“, „წინსვლის“ და „საკოლმეურნეო სოფლის“ წინამორბედი, გაზეთი „ჩხარის კოლმეურნე“.

91 წელი თქვენთან ერთად!



თერჯოლა

„არს მთის კალთას, სკანდას, სასახლე მეფეთა და ციხე დიდი, დიდშენი“
პასუხი პაპრატიონი

Facebook გაზეთი თერჯოლა
www.nplg.gov.ge
www.terjola.gov.ge

საზოგადოებრივი გაზეთი • გამოდის 1933 წლიდან • №22 (7120) 18 ნოემბერი 2024 წელი

„თერჯოლობა“ 2024

„ჩემს თერჯოლას სკანდის ციხით დაფუძვები დარაჯად, დავცემულვარ მუხლზე ლოცვად დედაღვთისას კარადა, სიყვარული მოდის ჯარად, სიძულვილი არა ჩანს...“



თერჯოლობა 2024 შედგა!
16 ნოემბერს, მთელი დღის გადაუღებელი წვიმის შემდეგ, ცოტა ვინმეს თუ სჯეროდა, რომ მეორე დღეს, თერჯოლაქალაქობის ზეიმს, შესანიშნავი მზიანი დარი დაუდგებოდა. მართლაც ნანატრი ამინდი იყო...

მთავარია, რომ თერჯოლელები და ჩვენი სტუმრები ამ ზეიმზე მოვიდნენ ერთმანეთს მონატრებულნი და გაღიმიებული სახეებით.

მშობლიური რაიონის და ერთმანეთისადმი სიყვარული იგრძნობოდა ირგვლივ. ყველას გული გამოსცემდა იმ სიტბოს, რაც თითოეულ თერჯოლელს უხვად აქვს მომადლებული უზენაესისაგან.

დილიდანვე იგრძნობოდა, რომ ამ სახალხო დღესასწაულისათვის, მის ორგანიზატორებს—მუნიციპალიტეტის თვითმართველობას, კონკრეტულ საკითხებზე პასუხისმგებელ პირებს, სხვადასხვა სამსახურებსა თუ უწყებებს, დღესასწაულისათვის მზადებაში ჩართულ საჯარო მოხელეებსა თუ რიგით მონაწილეებს ყველაფერი ზუსტად და კარგად ჰქონდათ გათვლილი...

საზვასმით აღვნიშნავთ, რომ ამ დღის პროგრამით გათვალისწინებული ყველა ღონისძიება განერილ დროში საუკეთესო ხარისხით შესრულდა.

არცერთ წინა თერჯოლობას არ ახსოვს ასეთი ხალხმრავლობა, როგორც ეს თერჯოლობა 2024-ზე იყო...

წლევანდელ სახალხო ზეიმზე დასახელდნენ თერჯოლის საპატო მოქალაქეები, ადამიანები, რომლებმაც თავიანთი ცხოვრებითა და მოღვაწეობით მნიშვნელოვანი კვალი დატოვეს მუნიციპალიტეტის ცხოვრებაში.




თერჯოლობის ღონისძიებებზე დაწვრილებით ჩვენი გაზეთის მომავალ ნომერში მოგიტოვრობთ.

გილოცავთ თერჯოლის საპატო მოქალაქეობას!



ცისანა მაკარიძე



დარეჯან სარალიძე



ეთერ ტურავა



თამარ ლარიბაშვილი



გულთამზე კურბაშვილი



ავთანდილ ბუცხრიკიძე



მევლუდ გენაძე

ამბები თერჯოლის მუნიციპალიტეტიდან

რუბრიკით: „ამბები თერჯოლის მუნიციპალიტეტიდან“ გთავაზობთ წერილებს, რომლებიც მომზადებულია საჯაროდ გამოქვეყნებული ინფორმაციების საფუძველზე.

საგზაო ინფრასტრუქტურა ახალთერჯოლა, ბარდუბანი, თუზი, ჩხარი, კვახჭირი

მიმდინარე წელს, მუნიციპალიტეტის 13 ლოკაციაზე მოეწყო ან მიმდინარეობს ინტენსიური მუშაობა ადგილობრივი მოსახლეობის კომფორტული და უსაფრთხო გადაადგილების მიზნით, საგზაო ინფრასტრუქტურა რეგიონული განვითარების ფონდიდან თერჯოლის მუნიციპალიტეტის ადგილობრივი ბიუჯეტის თანადაფინანსებით ასევე ეწყობა ახალთერჯოლის, ბარდუბნის, თუზის, ჩხარის და კვახჭირის ადმინისტრაციულ ერთეულებში.



ამ დღეებში, სოფელ ახალთერჯოლაში, ცენტრალური საავტომობილო გზის რეაბილიტაცია მუნიციპალიტეტის მერმა მანუჩარ რობაქიძემ, საკრებულოს თავმჯდომარესთან გიორგი ბარათაშვილთან ერთად დაათვალიერა.

ახალთერჯოლის გზის კეთილმოწყობის სამუშაოებს შპს „სანდრო“ ასრულებს. პროექტის ფარგლებში 42 00 მ2 საგზაო მონაკვეთი რეაბილიტირდება, მისი საერთო ღირებულება 27 3429 ლარია.

შეხვედრას ახალთერჯოლის დეპუტატი ბიძინა ბუცხრიკიძე და მერის წარმომადგენელი გრიგოლ კუბლაშვილი ესწრებოდნენ.

აღნიშნულ საგზაო მონაკვეთებზე 17 000 მ2-მდე არმირებული ბეტონის საფარი იგება, რომელზეც 1 164 000 ლარამდე დაიხარჯება.

ბარდუბნის ადმინისტრაციულ ერთეულში შემაჯალ სოფელ სათემოში ეკლესიიდან აბულაძეების უბნამდე მისასვლელი გზა ეწყობა. პროექტს ახორციელებს შპს „ჯეო როუდ ინვესტი“.

თუზში ჩაფიჩაძეების უბნის საავტომობილო გზა კეთილმოეწყობა.

დასასრულს უახლოვდება გზის საფარის დაგება სოფელ კვახჭირში, აღნიშნულ ლოკაციაზე ცენტრალური გზის სავალი ნაწილი და ყუფარაძეების საუბნო მონაკვეთი კეთდება. ასევე დასრულებულია ბეტონის დაგების სამუშაოები სოფელ ჩხარში. ჩხარში პეტრე და შალვა ამირანაშვილების მუზეუმთან მისასვლელი გზა კეთილმოეწყო.

საგზაო ინფრასტრუქტურის რეაბილიტაციის მონიტორინგზე, მუნიციპალიტეტის მერი მანუჩარ რობაქიძე, საკრებულოს თავმჯდომარე გიორგი ბარათაშვილთან და ადგილობრივი თვითმმართველობის წარმომადგენლებთან ერთად იმყოფებოდა.



თორმეტი ახალი სახლი

თერჯოლის მუნიციპალიტეტში სოციალურად დაუცველთა 12 სახლის მშენებლობა-რეაბილიტაცია აქტიურ ფაზაშია.



მორიგ ჯერზე, მუნიციპალიტეტის მერმა, სახლდაზიანებული ოჯახების დახმარების პროგრამის ფარგლებში მშენებარე სახლები დაათვალიერა. მანუჩარ რობაქიძე პირადად იმყოფებოდა რამდენიმე ბენეფიციარის ოჯახში, სადაც ადგილობრივი ბიუჯეტით, სოციალურად დაუცველ ოჯახებს საცხოვრებელი სახლები უშენდებათ.

2024 წელს, აღნიშნული პროგრამით, მუნიციპალიტეტში 12 სახლის მშენებლობა მიმდინარეობს. მერის ინიციატივით და საკრებულოს აქტიური ჩართულობით, მიმდინარე წელს სახლდაზიანების პროგრამის ბიუჯეტი გაიზარდა და შეადგენს 540 000 ლარს.

სოციალური პროგრამა თერჯოლის მუნიციპალიტეტში, უკვე რამდენიმე წელია ხორციელდება, რომელიც ითვალისწინებს მძიმე საყოფაცხოვრებო პირობების მქონე სოციალურად დაუცველი პირებისთვის, მცირე ფართიანი ინდივიდუალური სახლების მშენებლობას, ან შექმნას, რომელთა სახლები დაზიანების მასშტაბის გამო ექვემდებარება დემონტაჟს.

სახლების მშენებლობის მონიტორინგს საკრებულოს თავმჯდომარის მოადგილე ჯემალ ისაკაძე და მერის წარმომადგენლები დაესწრნენ.

აღნიშნული პროგრამის ფარგლებში მუნიციპალიტეტში სულ 41 სახლი აშენდა.

გავიგოთ რამდენი ვართ!

14 ნოემბრიდან 23 ნოემბრის ჩათვლით აღწერე შენი თავი და შენი ოჯახი.

თვითრეგისტრაციისათვის ისარგებლე ინტერნეტმისამართით: <https://census2024.geostat.ge/ka/Saqstati>



თერჯოლის მუნიციპალიტეტის საკრებულოში

2024 წლის 6 ნოემბერს, თერჯოლის მუნიციპალიტეტის საკრებულოში მორიგი სხდომა გაიმართა, რომელსაც საკრებულოს თავმჯდომარე გიორგი ბარათაშვილი ხელმძღვანელობდა. სხდომაზე, დღის წესრიგის შესაბამისად, განიხილეს და მხარი დაუჭირეს საფინანსო-საბიუჯეტო კომისიის თავმჯდომარის თემურ ქოჩიაშვილის, ჯანდაცვისა და სოციალურ საკითხთა კომისიის თავმჯდომარის შალვა ჭანკვეტაძისა და ეკონომიკისა და ქონების მართვის საკითხთა კომისიის თავმჯდომარის ბადრი ბუცხრიკიძის მიერ წარმოდგენილ საკითხებს.

აღნიშნულ საკითხებზე საკრებულოს სხდომამდე, საფინანსო-საბიუჯეტო საკითხთა კომისიის, ჯანდაცვისა და სოციალურ საკითხთა კომისიის, ეკონომიკის და ქონების მართვის საკითხთა კომისიის, ფრაქცია „ქართული ოცნება - დემოკრატიული საქართველოსა“ და ბიუროს სხდომებზე იმსჯელეს.

საკითხების წარმოდგენის შემდგომ სხდომა კითხვა-პასუხის რეჟიმში გაგრძელდა. დეპუტატების შეკითხვებს კომისიის თავმჯდომარეებმა უპასუხეს.

სხდომას თერჯოლის მუნიციპალიტეტის მერი მანუჩარ რობაქიძე, მერის მოადგილეები ზვიად ბაზაძე, მირზა ქოჩიაშვილი და მერიის შესაბამისი სამსახურების წარმომადგენლები ესწრებოდნენ.

განხილული 12 საკითხიდან 4 საკითხი სხდომაზე წარმოადგინა საკრებულოს საფინანსო-საბიუჯეტო კომისიის თავმჯდომარე თემურ ქოჩიაშვილმა. 7 საკითხის თაობაზე სხდომას მოახსენა ჯანდაცვისა და სოციალურ საკითხთა კომისიის თავმჯდომარე შალვა ჭანკვეტაძემ და ერთი საკითხი ეკონომიკისა და ქონების მართვის კომისიის თავმჯდომარე ბადრი ბუცხრიკიძემ.

ჩვენ სამივე მომხსენებელს ვთხოვეთ, რომ მკითხველისათვის პირადად მიენოებინათ ინფორმაციები ამ საკითხთა თაობაზე.

ამჯერად, დღევანდელ ნომერში გთავაზობთ ორი კომისიის თავმჯდომარის შალვა ჭანკვეტაძისა და ბადრი ბუცხრიკიძის კომენტარს. რაც შეეხება ბატონ თემურ ქოჩიაშვილს და მის შეფასებებს, რომლებიც ეხება მიმდინარე წლის ბიუჯეტის შესრულებას და თერჯოლის მდგრადი განვითარების დოკუმენტს, მათ უახლოეს ნომერში გაავაცნობთ.

ბადრი ბუცხრიკიძე, საკრებულოს ეკონომიკისა და ქონების მართვის კომისიის თავმჯდომარე.



თავს უფლებას ვაძლევ, რომ განმეორებო, რომ ჩვენს კომისიას წლის განვლილ პერიოდში

მომზადებული და შესაბამისი პროცედურების გავლის შემდეგ, საკრებულოს სხდომაზე გატანილი აქვს 29 საკითხი, რომლებსაც მხარი დაუჭირა საკრებულო. რაც შეეხება საკრებულოს 6 ნოემბრის სხდომას, ჩვენ მასზე განსახილველად წარვადგინეთ ერთი საკითხი, მუნიციპალიტეტის მერიისათვის თანხმობის მიცემის შესახებ, რომ (უსასყიდლო უზუფრუქტის ფორმით, სარგებლობის უფლებით, 2026 წლის 1 იანვრამდე) საქართველოს თავდაცვის სამინისტროს სსიპ - სამხედრო აღრიცხვის, განვევისა და რეკრუტირების ეროვნულ სააგენტოს გადასცეს მუნიციპალიტეტის ბალანსზე რიცხული შემდეგი ქონება: ქ. თერჯოლა, კოსტავას (ყოფილი გიორგაძის) ქ. N2 -ში განთავსებულ შენობაში არსებული ფართი 137,438 მ2 (7 ოთახი).

რაც შეეხება კითხვას, თუ რა მდგომარეობაა პრივატიზაციის წლიური გეგმის შესრულების მხრივ, აღვნიშნავ, რომ დღეისათვის ამ გზით ბიუჯეტში მიღებულია 270 000 ლარზე მეტი. იმედი გვაქვს, რომ წლის ბოლომდე ბევრად უკეთესი შედეგი გვექნება. აქვე მინდა ვითხროთ, რომ მერიასთან ერთად გარკვეული ქმედითი ღონისძიებების გატარებას ვაპირებთ, რომ შესაძლებელი გახდეს დღემდე გადაუჭრელი იმ პრობლემების მოგვარება, რაც არასახელმწიფო დაქვემდებარებაში არსებული უპატრონო შენობა-ნაგებობების ლიკვიდაციაა.

შალვა ჭანკვეტაძე, მუნიციპალიტეტის საკრებულოს ჯანმრთელობისა და სოციალურ საკითხთა კომისიის თავმჯდომარე
ყოველ საანგარიშო წელს, ფაქტიურად იმეათია შემთხვე-




ვა, რომ საკრებულოს რომელიმე სხდომაზე, ჩვენი საქმიანობის დარგობრივი მიმართულებით, კომისიას საკითხი არ შეეტანოს განსახილველად, რაც შეეხება 6 ნოემბრის მორიგ სხდომას, განხილვების ყველა ეტაპის გავლის შემდეგ (კომისია, ფრაქცია, ბიურო), მასზე ჩვენ განსახილველად სულ 7 საკითხი წარვადგინეთ.

საზგადასმელია, რომ წარდგენილი ყველა საკითხი შეეხებოდა, შვიდ სოციალურ პროგრამაში ცვლილებების შეტანას. უნდა აღვნიშნო, რომ შვიდიდან ხუთ პროგრამაში ცვლილება განხორციელდა მხარდ მიმართულებით, რაც შესაძლებელი გახდა ადგილობრივ ბიუჯეტში ამ მიზნით დამატებითი თანხების მობილიზებით (25 000 ლარი).

ვსარგებლობ შემთხვევით და აღვნიშნავთ, რომ თერჯოლის მუნიციპალიტეტის სოციალური პროგრამების (სულ 15 პროგრამა) მთლიანი ბიუჯეტი თავდაპირველად შეადგენდა 684 000 ლარს, რომელმაც წლის განმავლობაში რამოდენიმეჯერ განიცადა ცვლილება და ამ დროისათვის არის 1 789 000 ლარი.

ამ სოციალური პროგრამებიდან გამოყოფილი სახლდაზიანებული მოქალაქეების პროგრამას, რომელიც ითვალისწინებს მცირეფართიანი სახლების

შენიშვნას. აღსანიშნავია ის ფაქტი, რომ ეს პროგრამა პირ-



ველად ჩვენს მუნიციპალიტეტში შეიქმნა. ამ დროისათვის უკვე ამუშავდა სახლებს წელს კიდევ 12 სახლი დაემატება, რომლებიც დასრულებული სახით, შესაბამისი ინვენტარით აღჭურვილი გადაეცემა სოციალურად დაუცველ ოჯახებს, რომლებიც გაუსაძლის პირობებში იმყოფებოდნენ.

დიდი იმედი გვაქვს, რომ მუნიციპალიტეტის მერია და საკრებულო მომავალშიც მეტ ერობრივ ძალისხმევას გასწევენ, რომ სოციალური პროგრამები იყოს კიდევ უფრო მეტად მხარდბიუჯეტიანი.

მუნიციპალიტეტის ბაგა-ბალები ემზადებიან ავტორიზაციისათვის ახალი სახელმწიფო სტანდარტები სკოლამდელ აღზრდაში

დიდი ამოცანები იდგა და დგას სკოლამდელი აღზრდის დაწესებულებების წინაშე. სხვადასხვა დროს და სხვადასხვა წლებში ბევრი რამ შეიცვალა, მაგრამ უცვლელი დარჩა აზრი იმის შესახებ, რომ სკოლამდელი სწავლება აუცილებელია და საჭირო. ბავშვი ბაგა-ბალებში იძენს ცოდნას, ემზადება სკოლისათვის, მდიდრდება მისი თვალსაზრისით, უფრო მეტად მტყუყვლება, ურთიერთობა გარემოსთან, აქ ხდება მათი ესთეტიკურ-მუსიკალური აღზრდა, ისინი ეუფლებიან ქუჩაში მოძრაობის წესებს, ჩართულნი არიან სხვადასხვა საქმიანობებში და მზაობის ჯგუფების დამთავრების შემდეგ იწყება მათი სწავლა-აღზრდის უფრო მაღალი საფეხური—სასკოლო ცხოვრება.

თერჯოლის მუნიციპალიტეტში 26 ბაგა-ბალი ფუნქციონირებს, ზოგი სრულიად ახალ შენობაშია, ზოგიც წლების წინ აშენებულში, მაგრამ ყველა წესრიგშია და შეიძლება სასწავლო-სააღმზრდელო მუშაობის

განხორციელება. **ახალი სახელმწიფო სტანდარტები** ადრეული და სკოლამდელი აღზრდისა და განათლების სახელმწიფო სტანდარტების მიხედვით 2025 წლიდან იწყება სკოლამდელი დაწესებულებების ავტორიზაციის პროცესი. ავტორიზაციის პირველი სტანდარტი სკოლამდელი დაწესებულების განვითარების პროცესში დაინტერესებული მხარეების ჩართულობას, შემუშავებული დოკუმენტების საჯაროობას და ხელმისაწვდომობას მოითხოვს.

თერჯოლის სკოლამდელი აღზრდის მუნიციპალურმა ცენტრმა ერთობლივი მუშაობით შეიმუშავა და შექმნა საბავშვო ბაგა-ბალების მდგრადი განვითარებისათვის—მისიის, ხედვისა და ღირებულებების დოკუმენტი, რომლის საჯარო განხილვა მოხდა 17 ოქტომბერს მუნიციპალიტეტის სააქტო დარბაზში, მუნიციპალიტეტის მერის, სამსახურების უფროსების, საბავშვო ბაგა-ბალების

დირექტორების და მეთოდისტების, მშობლების მონაწილეობით.

რას ითვალისწინებს თითოეული მიმართულება მისია

მისია—არის მიზანი ან მიზეზი, რისთვისაც შეიქმნა დაწესებულება. ეს არის თითოეული თანამშრომლისათვის, მშობლისათვის, დაინტერესებული მხარეებისათვის მოტივაციის მიმცემი და შინაარსობრივად გასაგები.

მისიის მიზანია შეუქმნათ გარემო, რომელიც ხელს შეუწყობს ბავშვს განავითაროს და გამოიყენოს შემოქმედებითი უნარები, დასვას კითხვები და ეძიოს პასუხები, იყოს გახსნილი, კრეატიულად მოაზროვნე, ჰქონდეს საშუალება დაინახოს სამყაროს მრავალფეროვნება.

სედევა ხედვა—არის იდეალური მომავლის სურათი, რომელიც განსაზღვრავს განვითარების

საშუალოვადიან, გრძელვადიან მიზნებს.

ბაგა-ბალის გარემოში თითოეული ბავშვი უნდა იყოს პროცესის თანაბარი მონაწილე, მიუხედავად, რომ მათ აქვთ სხვადასხვა აზრები, სურვილები და ინტერესები, რაც აუცილებლად უნდა იყოს გათვალისწინებული და დაფასებული. ბავშვის მხარდაჭერის, მოტივაციის და თავდაჯერებულობისათვის მშობლების როლისა და ჩართულობის გაზრდა ბალის ყოველდღიურობაში. ბავშვს უნარის გასავითარებლად უნდა ჰქონდეს მრავალფეროვანი აქტივობებში მონაწილეობისათვის თანაბარი შესაძლებლობა. ბაღმა უნდა შეძლოს სხვადასხვა ბუნებრივი რესურსების მოძიება, შექმნა, აღჭურვა.

ღირებულებები ღირებულებები—არის გაცხადებული მიზნების ძირითადი პრინციპები: გუნდური მუშაობა, პროფესიონალიზმი, ინოვაცია, ბავშვთა უფლებების დაცვა და პოზიტიური გარემოს შექმნა.

ინოვაციურობა—ინოვაციების დანერგვის ხელშეწყობა, ინდივიდუალურობა და ინკლუზივი: ჩვენ ვაფასებთ თითოეული ბავშვის უნიკალურ, ძლიერ მხარეებს, ვუზრუნველყოფთ, რომ ყველა გრძობდეს თავს კომფორტულად, უსაფრთხოდ და თანასწორად. ცნობისმოყვარეობა და ინტერესი: ჩვენ ვაფასებთ სწავლისადმი სიყვარულის გაღვივებას ბავშვების ნახალისებით, დასვან კითხვები, განვიითარონ შესაძლებლობები და აღმოჩენით მიიღონ სიხარული.

ეს მიმართულებები ავტორიზაციის პროცესის დაწყების პირველი სტანდარტი და სააღმზრდელო პროცესის მართვის მიმართულება, ძალიან დიდი გამოწვევების წინაშე აყენებს სკოლამდელი აღზრდის დაწესებულებებს, ბაგა-ბალის გაერთიანებას, მშობლებს, საზოგადოების წარმომადგენლებს, ყველას—თითოეულ ჩვენგანს.

შუშუნა ცხადაძე

მასწავლებლის ეროვნული დღე— პედაგოგთა მოტივაციის მნიშვნელოვანი ბერკეტი

საქართველოს მთავრობის დადგენილებით, ორი წლის წინ, დაწესდა მასწავლებლის ეროვნული დღე, რომლითაც ფასდება ეს განსაკუთრებული პროფესია და ვლინდება საუკეთესოთა შორის საუკეთესოები. წელსაც, სპეციალურად შექმნილმა კომისიამ საუკეთესო ისტორიის მქონე 10 კანდიდატი შეარჩია, რომლებსაც განსაკუთრებული წვლილი აქვთ შეტანილი საზოგადოებასა და განათლების სისტემის განვითარებაში. 13 სექტემბერს, თბილისში, ჯილდოს გადაცემის ცერემონია გაიმართა, 10 მასწავლებელს ეროვნული პრემია 10 ათასი ლარი და სპეციალურად შექმნილი სამკერდე ნიშანი გადაეცათ.

ლონისძიებს თერჯოლის მუნიციპალიტეტიდან ხუთი მასწავლებელი ესწრებოდა, მანამდე მათ თავიანთი პრეზენტაციები რაიონულ დონეზე წარმოადგინეს და წარმატებულადაც. რა თქმა უნდა ამ დელეგაციას ჰყავდა ხელმძღვანელი—საგანმანათლებლო რესურსცენტრის ხელმძღვანელი ქეთევან შვერილაძე.

ცნობილი ვახდა, რომ ეროვნული პრემიის გადაცემისადმი მიძღვნილი ღონისძიებიდან თერჯოლის პედაგოგები შთაბეჭდილებებით სავსე და უფრო მოტივირებულები დაბრუნდნენ. ჩვენ ვავესაუბრეთ მათ და ერთი კითხვით მივმართეთ: რა მოტივაცია მოგცათ მასწავლებლის ეროვნული ჯილდოს დაწესებამ და რა შთაბეჭდილებებით დაბრუნდით ღონისძიებიდან.



თითოეულმა მათგანმა ხაზი გაუსვა მასწავლებლის როლსა და დანიშნულებას მოსწავლე-ახალგაზრდობის აღზრდის საქმეში, რომ ახალგაზრდობა და განათლება საქართველოს მომავალია; რომ მასწავლებლობა რთული და საპასუხისმგებლოა, საინტერესო და საყვარელი პროფესიაა; რომ მასწავლებელი ასრულებს ერთ-ერთ უმნიშვნელოვანეს როლს თითოეული მოსწავლის ცხოვრებაში. ყოველი ვაკვეთილი შეიძლება იყოს ნაბიჯი მოსწავლეთა პოტენციალის აღმოჩენისკენ, მათი წარმატებისა და თავდაჯერებულობისაკენ. საუბარში მათ ხაზი გაუსვეს თერჯოლის მუნიციპალიტეტის მერიისა და საგანმანათლებლო რესურსცენტრის მხარდაჭერას პედაგოგებისა მი კვალიფიკაციის ამაღლებაში, სასკოლო ინფრასტრუქტურის გაუმჯობესებასა და თანამედროვე საგანმანათლებლო პროგრამების შექმნის საკითხებში. არ დავიწყებთ თავიანთი სკოლების დირექტორების ზრუნვა და ხელშეწყობა იყვნენ წარმატებულები, მაღლობლნი არიან იმ ზრუნვისათვის, რომელსაც ყოველდღიურ საქმიანობაში იჩენენ. აღნიშნეს, რომ შთაბეჭდილებებით სავსე და მოტივირებულები დაბრუნდნენ, მაღლობლები არიან ამ შესაძლებლობისათვის.

ჩვენი მხრიდან ვიტყვი—მეც, თქვენც და ძალიან ბევრი ადამიანი იცნობს თერჯოლულ პედაგოგებს, დადგება დრო, რომ ისინი არა მარტო დაესწრებიან მასწავლებლის ეროვნული დღისადმი მიძღვნილ ღონისძიებას და წარმატებულთა დაჯილდოებას, არამედ თვითონაც იქნებიან ჯილდოს მიმღები, არის ამის თქმის საფუძველი, თერჯოლას საუკეთესო პედაგოგები ჰყავს.

☞ 6

ავტორიზებული სკოლები— დირექტორების განწყობა

ზოგადსაგანმანათლებლო დაწესებულებების ავტორიზაციის საბჭოს გადამწყვეტილებით, სხვადასხვა დროს, კერძო სკოლა „მზეკაბანს“, თერჯოლის №2, სიქთარვის, რუფოთის, ჩხარის №1, ჩხარის №2, ქვედა სიმონეთის №2 საჯარო სკოლებს მინიჭებული აქვთ ზოგადსაგანმანათლებლო დაწესებულების სტატუსი—ავტორიზაცია, რაც ნიშნავს, რომ სკოლები მოწოდებულია, ნებადართული, უფლება-მიცემული.

ავტორიზაცია მიმდინარეობდა ოთხი მიმართულებით—სკოლის ფილოსოფია (მისია, ხედვა, მიმართულებები), კურიკულუმები (სასწავლო გეგმები), მატერიალური რესურსი, ადამიანური რესურსი. ავტორიზაცია სკოლებს ეძლევათ პირობით ან უპირობოდ, სრულად ან არასრულად, განსაზღვრულია ისიც, თუ რამდენი წლით.

ჩვენ ერთადერთი კითხვით მივმართავთ ავტორიზებული სკოლების დირექტორებს, რითაც გვინდა წარმოვაჩინოთ სკოლების მიერ განეული შრომა და პედაგოგებს, მშობლებს, მოსწავლეებს, ყველას, ვინც ახალგაზრდობის ბედით არის დაინტერესებული შედეგებისდაგვარად შეუქმნათ წარმოდგენა ამ სკოლების საქმიანობაზე. კითხვას პირველი უპასუხებს მუნიციპალიტეტის ერთადერთი კერძო სკოლა „მზეკაბანის“ ხარისხის მართვის მენეჯერი. ამ სკოლამ რამდენჯერმე გაიარა ავტორიზაცია.

კითხვა—რა ძირითადი მოთხოვნები დააკმაყოფილეთ და რა გავლენა მოახდინა, მოახდენს მომავალში ეს სტატუსი სკოლის წარმატებებზე.

აზა მამანიშვილი—კერძო სკოლა „მზეკაბანს“ პირველად 2012 წელს გაიარა ავტორიზაცია, უხარვეზოდ მივიღეთ ხუთი წლით მუშაობის უფლება. მეორე ავტორიზაცია 2017 წელს ისევ სრულად და უხარვეზოდ გავიარეთ. იმის გამო, რომ 2018 წელს მოგვინა სხვა შენობაში გადასვლა, ისევ გავიარეთ ავტორიზაცია, მაგრამ ამჯერად, მხოლოდ ერთი მიმართულებით—მატერიალური რესურსი. ეს იყო საკმაოდ რთულად მისაღწევად შედეგი—საკუთარი სახსრებით გავარემონტეთ მთლიანად განადგურებული შენობა, რომელშიც ამჟამად ვართ. 2022 წლის დეკემბერში კვლავ გავიარეთ ავტორიზაცია, ავტორიზაციის საბჭომ კვლავ მოგვანიჭა ავტორიზაცია, ამჯერად ექვსი წლის ვადით. ექსპერტებმა გვითხრეს, რომ ასე გავგვეგრძელებინა მუშაობა, ეს საკმარისი იქნებოდა. განსაკუთრებული და თვალშისაცემი იყო „მზეკაბანელთა“ წარმატებები ეროვნულ სასწავლო ოლიმპიადებზე, კონფერენციებზე და ეროვნულ გამოცდებზე. ვინაიდან 2023 წლის 1 იანვრამდე ავტორიზაცია მიმდინარეობდა ძველი სტანდარტით, დაგვევალა, რომ 2024 წლის ზაფხულში ხარისხის მართვის ცენტრის მიერ შექმნილ სპეციალურ პორტალზე ავტორიზაციის თვითშეფასების კითხვების ფორმა, სადაც ასახული იქნებოდა თუ როგორ გადავედით სტანდარტის ახალ ფორმაზე—ავტორიზაციის ახალი სტანდარტის სამის ნაცვლად 4 მიმართულებას მოიცავს: სკოლის ფილოსოფია (მისია, ხედვა, ღირებულებები), კურიკულუმები

(სასწავლო გეგმები), მატერიალური რესურსი, ადამიანური რესურსი. ავტორიზაციის საბჭოს სხდომაზე ექსპერტმა ქეთევან ბოტკოველმა თქვა, რომ მმართველი გუნდი აქტიურად არის ჩართული სიახლეების დაწესების საქმეში, სკოლა ორიენტირებულია არაფორმალური განათლების განვითარებაზე. სასწავლო გეგმა შედგენილია ეროვნული სასწავლო გეგმის საფუძველზე და უზრუნველყოფს მოსწავლის სწავლასა და განვითარებას თანაბარი შესაძლებლობებით, სკოლაში არ ირიცხება სსსმ მოსწავლე, თუმცა სკოლას აქვს სპეციალური პროგრამა ასეთი მოსწავლეებისათვის, სკოლაში არის სხვადასხვა წრეები, არაფორმალური განათლების კლუბები, მ.შ. „ჩხირკედელა“, დებატკლუბი, ინტელექტუალთა კლუბი, შემუშავებულია წრეების პროგრამა, თემატიკა და სამუშაო მეთოდოლოგია, კლუბების დებულებები, სადამრიგებლო პროგრამა, რეკომენდაციები „სადამრიგებლო საათის“ განხორციელებისათვის. სკოლაში ტარდება სადირექციო წერები, რომელთა



„პროფესიონალი მასწავლებლები აძლიერებენ თანამედროვე პროფკავშირს“

მასწავლებელთა პროფკავშირის რაიონული ორგანიზაციის კონფერენციაზე

წელიწადნახევარია, რაც თერჯოლაში ფუნქციონირება დაიწყო საქართველოს პედაგოგთა და მეცნიერთა თავისუფალი პროფკავშირის თერჯოლის რაიონულმა ორგანიზაციამ, რომლის საქმიანობას კოორდინატორობას უწევდა ქ. თერჯოლის №1 საჯარო სკოლის სახვითი და გამოყენებითი ხელოვნების ნამყვანი პედაგოგი, საქვეყნოდ ცნობილი ხელოვანი ხათუნა გურული. მიმდინარე წლის 20 ოქტომბერს გაიმართა აღნიშნული ორგანიზაციის საანგარიშო-საარჩევნო კონფერენცია.

პროფესიული კავშირი არის საერთო ინტერესების მქონე მშრომელთა ნებაყოფლობით დამოუკიდებელი გაერთიანება, რომელიც იბრძვის საკუთარი წევრების შრომითი, სოციალურ-ეკონომიკური და სამართლებრივი უფლებების და ინტერესების გაუმჯობესებისათვის. პროფკავშირები ჩვეულებრივ იქმნებიან იმისათვის, რომ უზრუნველყონ და დაიცვან დასაქმებულის ანაზღაურება, შეღავათები, სამუშაო პირობები ან სოციალური და პოლიტიკური სტატუსი კოლექტიური გარემოების გზით. მასწავლებელთა კეთილსინდისიერ შრომაზე და პროფესიონალიზმზე და მოკიდებული ქვეყნის მომავალი განვითარება. ისინი ზრდიან ქვეყნის საუკეთესო და სახელოვან ახალგაზრდებს, რაც თავიანთი პროფესიის მიმართ უანგარო სიყვარულისა და თავდადებული შრომის შედეგია. ბუნებრივია, საქარ-

თველოს პედაგოგთა და მეცნიერთა თავისუფალი პროფკავშირი, 2013 წლიდან საქმიანობას წარმართავს დასაქმებულთა შრომითი, სოციალურ-ეკონომიკური, სამართლებრივი და პროფესიული უფლებების დაცვისა და წევრთა პროფესიული განვითარებისათვის, არის არაერთი უმნიშვნელოვანი ცვლილების ინიციატორი და სპმთპ დასაქმებულთა ინდივიდუალური შრომითი უფლებების დაცვის სამსახურში.

საქართველოს პედაგოგთა და მეცნიერთა თავისუფალი პროფკავშირის თერჯოლის რაიონული ორგანიზაციის პირველ საანგარიშო-საარჩევნო კონფერენციაზე სანესდებო მოთხოვნათა დაცვით სპმთპ-ის ახალი სტრუქტურის 500-მა წევრმა წარადგინა 40 დელეგატი. 36 პირველად ორგანიზაციაში, არჩეულ დელეგატებთან ერთად, კონფერენციის მუშაობაში მონაწილეობა მიიღეს აგრეთვე აქტიურმა წევრებმა და

მონვეულმა სტუმრებმა. კონფერენციას ესწრებოდნენ: სპმთპ-ის პრეზიდენტი მაია კობახიძე, ვიცე-პრეზიდენტები მარი ალულიშვილი და ნათია კორძაძე, სპმთპ-ის „პროფესიონალი მასწავლებელთა საკონსულტაციო საბჭოს“ თავმჯდომარე როლანდ ხოჯანაშვილი, სპმთპ-ის გორისა და ზესტაფონის რაიონული ორგანიზაციების თავმჯდომარეები: ნათია გაბორძევილი და იოსებ ულენტი, ზესტაფონის „მომავლის სკოლის“ ხარისხის მართვის მენეჯერი, მენტორი მასწავლებელი გიორგი ნებიერიძე. კონფერენციამ აირჩია პრეზიდენტი, სამანდატო, სამდივნო და ხმის დამთვლელი კომისიები. სპმთპ-ის თერჯოლის საანგარიშო-საარჩევნო კონფერენციას თავმჯდომარეობდა ქ. თერჯოლის №1 საჯარო სკოლის ქართული ენისა და ლიტერატურის მენტორი მასწავლებელი ნატო კვეტენაძე, ხოლო მას შემდეგ, რაც კონფერენციამ დაამტკიცა დღის წესრიგი კონფერენციაზე წელიწადნახევარი საქმიანობის ანგარიშით წარსდგა ორგანიზაციის კოორდინატორი ხათუნა გურული, შემდეგი აქტივობებით:



—სპმთპ-ის ვიცე-პრეზიდენტ ნათია კორძაძესთან ერთად დასაქმებულთა მოზიდვა-დამაგრების მიმართულებით 50-მდე საინფორმაციო შეხვედრა; —სპმთპ-ის პრეზიდენტის ინიციატივით და როლანდ ხოჯანაშვილის მენტორობით განხორციელებული

☞ 7

„პროფესიონალი მასწავლებლები აძლიერებენ თანამედროვე პროფკავშირს“

მასწავლებელთა პროფკავშირის რაიონული ორგანიზაციის კონფერენციაზე

4

სამი 10 საათიანი ტრენინგი; —გრძელვადიანი ონლაინ ტრენინგები მასწავლებელთა პროფესიული საჭიროებების და კარიერული წინსვლის ხელშეწყობის სხვადასხვა მოდულებით;

—დირექტორობის მსურველთა ტრენინგები;

—2024 წლის 18 თებერვალს თერჯოლის მასწავლებელთა პროფესიული კონფერენცია „წარმატებული პრაქტიკის გაზიარება“, რომელშიც 21-მა პედაგოგმა წარადგინა პრეზენტაცია;

—სკოლამდელი დაწესებულებების დასაქმებულთა კვალიფიკაციის ამაღლების 5 ტრენინგი და სხვა;

—ორ ეროვნულ საერთაშორისო და ონლაინ ეროვნულ კონფერენციებში მონაწილეობა მიიღეს და პრეზენტაციები წარადგინეს თერჯოლელმა მასწავლებლებმა.

სათუნა გურულმა აუდიტორიის მომავალი ოთხწლიანი სამოქმედო გეგმაც წარუდგინა და იმედი გამოთქვა, რომ სპმთპ-ის ხელმძღვანელობის თანადგომით შეძლებს წესდებით დაკისრებული ვალდებულებების შესრულებას.

სათუნა გურულმა მადლობა გადაუხადა სპმთპ-ის პრეზიდენტს მაია კობახიძეს, ვიცე-პრეზიდენტს ნათია კორძაძეს და „პროფესიონალი მასწავლებელთა საკოორდინაციო საბჭოს“ თავმჯდომარეს როლანდ ხოჯანაშვილს განუხილეს მუშაობისა და მხარდაჭერისათვის.

კონფერენციის მუშაობაში მონაწილეობდნენ და თავიანთი მოსაზრებები გამოთქვეს: აზა მემანაშვილი—კერძო სკოლა „მზეკაბანის“ ხელმძღვანელი, მაია ბარათაშვილი—№1 სა-

ძის და სკოლამდელი აღზრდის ცენტრის ხელმძღვანელის მაია თორთლაძის მიმართ კონსტრუქციული თანამშრომლობისა და დემოკრატიული ღირებულებების გაზიარებისათვის.

თერჯოლის კონფერენციის დელეგატებმა ერთსულოვნად გამოუცხადეს ნდობა ქ. თერჯოლის №1 საჯარო სკოლის

ქემოკლიძის და ნატო კვეტენაძის შემადგენლობით.

კონფერენციის დასასრულს ხათუნა გურულმა მადლობა გადაუხადა კონფერენციის თავმჯდომარეს ქ. თერჯოლის №1 საჯარო სკოლის ქართული ენისა და ლიტერატურის მენტორ მასწავლებელს ნატო კვეტენაძეს კონფერენციის თავმჯდომარეობისა და თანადგომისათვის, მოსწავლე-ახალგაზრდობის ცენტრის დირექტორს ნინო ოქრუაძეს ხელშეწყობისათვის და თერჯოლის №1 საჯარო სკოლის დირექტორს ელისო მურადაშვილს განსაკუთრებული დამსახურებისათვის.



სახვითი და გამოყენებითი ხელოვნების მასწავლებელს ხათუნა გურულს და იგი სპმთპ-ს თერჯოლის რაიონული ორგანიზაციის თავმჯდომარედ ოთხი წლის ვადით აირჩიეს.

„გილოცავთ კოლეგებო! ამ დღიდან თერჯოლის მასწავლებელთა ხმა სპმთპ-ის საქმიანობაში სრულფუნქციონირებს! ათი წელია მიმდინარეობს სპმთპ-ს აღდგენითი სამუშაოები და ეს დღეც დადგა თერჯოლაში, რაც მხოლოდ თქვენი ერთიანობით, მაღალი ცნობიერებით და პროფკავშირისადმი ნდობით შეეძლებოდა.“

მადლობა თერჯოლელ პედაგოგებს! თქვენ აირჩიეთ პრინციპული, კეთილსინდისიერი, მაღალი მოტივაციისა და პასუხისმგებლობის მქონე ლიდერი—ხათუნა გურული, იმედს გამოვთქვამთ, ყველა ერთად შეძლებთ გააძლიეროთ თერ-

ჯოლის რაიონული ორგანიზაცია“—მიმართა კონფერენციის მონაწილეებს სპმთპ-ის პრეზიდენტმა მაია კობახიძემ.

სპმთპ-ის თერჯოლის რაიონული ორგანიზაციის კონფერენციამ მხარი დაუჭირა რაიონული ორგანიზაციის თავმჯდომარის მოადგილედ საბავშვო ბავა-ბალების მეთოდისტი თეა ქემოკლიძის არჩევას, დაამტკიცა რაიონული საბჭო 8 კაცის შემადგენლობით: თეა ქემოკლიძე, მთვარისა ნოზაძე, ირმა კირკიტაძე, აზა მემანაშვილი, მადონა გამეზარდაშვილი, ანერი მემანაშვილი, ინგა გაბედავა და მადონა ჭანტურიძე. კონფერენციამ აირჩია სპმთპ-ის მე-9 საანგარიშო ყრილობის დელეგატები ხათუნა გურული, თეა



ჯარო სკოლის პედაგოგი, ირმა კირკიტაძე—№2 საბავშვო ბავა-ბალების პედაგოგმა.

გამომსვლელებმა მადლიერებით აღნიშნეს სპმთპ-ის მიერ განუხილეს დახმარებისა და გადაჭრილ საკითხთა გამო მათი სკოლის პედაგოგთა დახმარებისათვის, ხელფასების ზრდის, მასწავლებელთა ავტორიტეტის ამაღლებისა და პროფესიულ ზრდაზე ზრუნვასთან დაკავშირებით. დისკუსია გაიმართა აგრეთვე სხვადასხვა საკითხთან დაკავშირებით ბავა-ბალების პედაგოგებთან.

სათუნა გურულმა მადლიერება გამოხატა თერჯოლის რაიონული საგანმანათლებლო რესურსცენტრის უფროსის, ქალბატონ ქეთევან შეყრილა-

შვილის რაიონული ორგანიზაცია“—მიმართა კონფერენციის მონაწილეებს სპმთპ-ის პრეზიდენტმა მაია კობახიძემ.

სპმთპ-ის თერჯოლის რაიონული ორგანიზაციის კონფერენციამ მხარი დაუჭირა რაიონული ორგანიზაციის თავმჯდომარის მოადგილედ საბავშვო ბავა-ბალების მეთოდისტი თეა ქემოკლიძის არჩევას, დაამტკიცა რაიონული საბჭო 8 კაცის შემადგენლობით: თეა ქემოკლიძე, მთვარისა ნოზაძე, ირმა კირკიტაძე, აზა მემანაშვილი, მადონა გამეზარდაშვილი, ანერი მემანაშვილი, ინგა გაბედავა და მადონა ჭანტურიძე. კონფერენციამ აირჩია სპმთპ-ის მე-9 საანგარიშო ყრილობის დელეგატები ხათუნა გურული, თეა

მიმართეს რაიონული საგანმანათლებლო რესურსცენტრის უფროსმა ქეთევან შეყრილაძემ და სკოლამდელი აღზრდის ცენტრის ხელმძღვანელმა მაია თორთლაძემ.

გაიმართა დისკუსია. მაია კობახიძემ ყურადღება გაამახვილა ბოლო 12 წლის განმავლობაში სპმთ-ის ინიციატივებით მიღებულ შედეგებზე, მასწავლებელთა ხელფასების ზრდის ტენდენციებსა და სამომავლო პრიორიტეტებზე. მან მადლობა გადაუხადა გამომსვლელებს აქტუალურ პრობლემებზე, საჭიროებებზე კვალიფიციური და ღია მსჯელობისათვის.

მზია ცვიფურიშვილი

„წმიდა 100 000 მონამეთა მეობებით უფალმა გააძლიეროს და გაამთლიანოს სრულიად საქართველო“-ილია II

13 ნოემბერს სრულიად საქართველო და სამოციქულო, ავტოკეფალური მართლმადიდებელი ეკლესია „წმიდათა ათათა ბევრთა (100 000) მონამეთა, თბილისის ხვარაზმელთაგან წამებულთა“ ხსენების დღეს აღნიშნავს.

ტრადიციისამებრ, ამ დღეს მორწმუნეები თბილისში, მეტეხის ხიდთან, მტკვარში ყვავილებს ყრიან და ამგვარად მიაგებენ პატივს 100 ათას მონამეს.

რვა საუკუნის წინ, 1226 წელს, თბილისის ახალ განსაცდელად დაატყდა თავს ხვარაზმელი ჯალალედინის ურდოები. ისინი საქართველოში შუა აზიიდან შემოიჭრნენ. სპარსელებმა და ხვარაზმელებმა დედაქალაქს ალყა შემოარტყეს. ჯარები ქალაქს შეესივნენ და არნახული სისასტიკით იწყეს მოსახლეობის უღებტა. გამხეცებული ხვარაზმელები ჩვილ ბავშვებს დედებს მკვრიდან აგლეჯდნენ და თავებით ქვაფენილზე ანარცხებდნენ, მერე წუხილით შემოიღებდნენ დედებს ტვინდანიხეულ შვილებს ზედ აკრავდნენ. მოხუცებულთ ცხენთა ფლოქებით სრესდნენ, ჭაბუკებს კოდავდნენ... ქუჩებში სისხლის მდინარე დიოდა... მტკვარი სისხლით შეიღებდა და გვამებით გაივსო.

ხვარაზმელს თითქოს სისხლიც მობეზრდა, ბრძანა: სიცოცხლე აჩუქეთ მხოლოდ მათ, ვინც ქრისტიანობას უარყოფს და მაკამადის რჯულს შეუდგებაო. ზოგიერთმა საშინელი კაცთა-



ვლით შეძრწუნებულმა მართლაც დათმო ქრისტიანობა, უმრავლესობამ კი სიცოცხლეს წამებულის გვირგვინი არჩია.

ჯალალედინმა სიონის ლავრიდან წმიდა ჯვარი ჩამოაგდო და მიწაზე დაანარცხა. გუმბათი სულ გადაანგრია სიონს და მის ადგილზე თავისი „ბილნი საჯდომი დაიდგა“, ზედ საგანგებოდ აღმართული ფიცარნავით ადიოდა და იქიდან ანიოკებულ ქალაქს ათვალეირებდა. სიონის ტაძრიდან მაცხოვრისა და ლვთისმშობლის ძვირფასი ხატები გამოატანინა და მისგანვე აგებული „ხიდის“ შესასვლელთან პირაღმა დააყრევინა. ბრძანა, რიგ-რიგად მოეყვანათ ყველა ქრისტიანი, ქალცა და კაციც, ყველას ცალკეულად ჩაენიხლა და დაეფურთხებინა ხატებისთვის და ფიცით უარეყოთ ქრისტეს რჯული, ხოლო ვინც ამას არ აღასრულებდა, იქვე თავი წარეკვეთათ და მტკვარში ესროლათ...

იმ დღეს მონღოლებმა ასი ათას ქართველს მოჰკვეთეს თავი და მათი გვამები მდინარეში ჩაყარეს. ურდომ არ დაინდო არც მოხუცები და არც ბავშვები. როგორც მემამტიანე მოგვითხრობს, მტკვარი რამოდენიმე დღის განმავლობაში სისხლით შეღებული მოდიოდა. 100 000 მონამე შეუერთდა იმ დღეს წმინდანთა დასს, ზეციურ საქართველოს.

23 ნოემბერს გიორგობაა გილოცავთ!



„გამარჯობა, აფხაზეთო, შენი“... ჩვენ დავბრუნდებით

მრავალი ტკივილად დარჩენილი დღეა ჩვენი ქვეყნის ისტორიის ფურცლებზე და მაინც 27 სექტემბერი თითქოს ყველაზე მწარე, ამაზრზენი და სევდისფერია. ეს არ არის მხოლოდ ერთი დღის გახსენება და შემდეგში მშვიდი დღეები, ეს ის რეალობაა, რომელიც არც ერთი წლის შემდეგ და არც არასოდეს იქნება დავინწყებული...

27 სექტემბერი საქართველოს უახლოეს ისტორიაში უდიდესი ტრაგედიის—სოხუმის დაცემის დღეა...

იცის ჩვენმა მკითხველმა, რომ 1992 წლის 14 აგვისტოს დაწყებული სამხედრო დაპირისპირება აფხაზეთში 13 თვე და 13 დღე გაგრძელდა და სოხუმის დაცემით დასრულდა. დღემდე დაუზუსტებელი ინფორმაციით ათიათასზე მეტი ქართველი ჯარისკაცი, თუ ტერიტორიული მთლიანობისათვის მებრძოლი რიგითი მოქალაქე დაიღუპა, ან უგზო-უკვლოდ დაიკარგა, 300 ათასი ადამიანი კი საკუთარ ქვეყანაში დევნილად იქცა.

31 წელი გავიდა და მწარე რეალობის განცდა არა თუ ფერმკრთალდება, მეტ სევდასა და ტკივილს გვრის ყველას, ქვეყნის ბედზე დაფიქრებულ, საღად მოაზროვნეს, ვისთვისაც ძვირფასია თითოეული დაღუპული ადამიანი, საკუთარ სახლ-კარს მონყვეტილის ბედი, ტერიტორიული მთლიანობა ქვეყნისა...

თერჯოლამ უამრავ დევნილს მისცა მაშინ თავშესაფარი, რომელთა იმედი თავიანთ სახლ-კარში უმოკლეს დროში დაბრუნებისა უკვე 30 წელზე მეტია, ისევ იმედად რჩება. ამასობაში იზრდებიან ახალგაზრდები, ქორწინდებიან, მრავლდებიან, ამ ქვეყნიდან გასულთა ძვალთშესალაგადაც, სამწუხაროდ, თერჯოლის მიწა იქცა.

სოხუმის ფერი თეთრია...

ვისაც ერთხელ მაინც ჰქონდა ბედნიერება საქართველოს ამ ულამაზესი კუთხის, აფხაზეთის ნახვისა ვერასოდეს დაივიწყებს მის უმშვენიერეს სანახებს, ზღვასა და ხმელეთს. მუდამ რომ გენატრება და კვლავაც რომ გინდა დაბრუნდე, მოინახულო და დატკბე. აბა წარმოვიდგინოთ იმ ადამიანების მდგომარეობა ასეთი „სამოთხე“ საცხოვრისი რომ დატოვეს და მათი ცხოვრების აზრი იქ დაბრუნება რომაა დღემდე... მათ უჭირდათ და უჭირთ აფხაზეთის გარეშე... სანათესაოს, სამეზობლოს და სამეგობროს გარეშე, საყვარელ ადამიანთა საფლავების გარეშე...

ცხოვრება გრძელდება და ყველამ ყველაფერი უნდა გვაკეთოთ იმისათვის, რომ იმ ადამიანთა სახელები, რომლებმაც სიცოცხლე გაიღეს ამ ომში, დავინწყებას არ მიეცეს, ხოლო დევნილებს ოდესმე მაინც აუსრულდეს ოცნება საკუთარ სახლებში დაბრუნებისა, დაღუპულთა საფლავებთან მისვლისა და დატირებისა.

დიახ, აფხაზეთის ტკივილიანი თემა მარადიულია და უფროსმა თაობამ ახალგაზრდებს, მოსწავლეებს უნდა გადასცეს და ასწავლოს, მოვალეობა და პასუხისმგებლობა ყოველივე ამის მიმართ. ღვანკითის საჯარო სკოლის (დირექტორი ინგა ჯალიაშვილი, კლასის ხელმძღვანელი, ეთერ ტურავა) მეცხრეკლასეულთა ლიტერატურულ-მუსიკალური ღონისძიებაც, რომელიც ამ რამდენიმე დღის წინ გაიმართა, სწორედ ამ მიზანს ემსახურებოდა.

ლამაზად მოურთავთ დარბაზი... ღონისძიების სლოგანი კი პოეტის სიტყვებია, რომელიც მუდამ ჭკმში რჩებას დალადებს, ასე იყო, ასეა დღემდე: „ო, აფხაზეთო, ბევრი კარგი მოყმის გამძლეო, ამორძალი ხარ მკერდმოჭრილი უსაქართველოდ“... იქვე შანდლებზე



სანთლები ციმციმებენ აფხაზეთის ომს შენირული ვაჟკაცების სულეისათვის. დარბაზში სკოლის პედაგოგები, მონვეული სტუმრები, მოსწავლეთა მშობლები და გამორჩეული პატივით მონვეული ის დევნილები არიან, 31 წლის წინ სიკვდილს რომ ჩახედეს თვალებში, ჯერ სოხუმში, შემდეგ კი ჯოჯოხეთური ჭებურისა და კოდორის, სვანეთის იმ გზაზე უამრავი, დევნილის სიცოცხლე რომ შეინირა.

და აი მუსიკის ფონზე შემოდიან ღონისძიების ორგანიზატორები: ღვანკითის საჯარო სკოლის პედაგოგი, საქართველოს დამსახურებული მასწავლებელი ქალბატონი ეთერ ტურავა და მისი სადამრიგებლო მეცხრე კლასის საუკეთესო გოგო-ბიჭები. ძალიან მგრძობიარედ წაკითხული გალაკტიონის ლექსით „გამარჯობა აფხაზეთო შენი“... ქალბატონი ეთერი ხსნის ღონისძიებას. შემდეგ კი ესალმება და მადლობას უხდის შეკრებილ საზოგადოებას, განსაკუთრებით კი დევნილებს, იმის სურვილით, რომ თუნდაც ერთი დღე გაულამაზონ მათ.

მოსწავლეები ყვებიან აფხაზეთის ომის საშინელებათა ისტორიას, ყვებიან თანმიმდევრობით, განცდებით, ყვებიან ლამაზად წაკითხულ ლექსებად და სიმღერებად და ძალიან ძნელია გულგრილად უსმინო არაერთგზის გაცხადებულ სიტყვებს: „აფხაზეთი საქართველოა“, ღონისძიების მონაწილე მოსწავლეებს იგივე სიტყვები სამკერდე ნიშნად მიუბნევიან გულზე... მერე წუთიერი ღუმით პატივს მიაგებენ ომში დაღუპულთა სხოვნას.

ღონისძიებაში დევნილები ერთვებიან თავიანთი მოგონებებით: სალომე მონია, ფატიმა ბერულავა, გულნარა კაკოიშვილი, ფატიმა კუპატაძე ყვებიან როგორ გამოუცხადეს რომ სასწრაფოდ უნდა დაეტოვებინათ სოხუმი, იყო გაურკვევლობა, შიში, დაბნეულობა. გამოვიდნენ



ხელში ჩანთებით სახელდახელოდ შერჩეული ნივთებით, იმის ფიქრით, რომ მალევე დაუბრუნდებოდნენ სახლებს. შემდეგ იყო რის ვაი ვაგლახით თოვლსა და ყინვაში გავლილი კილომეტრები, ხოლო მათი თავშესაფარი მხოლოდ ტყე იყო, არ იცოდნენ სად იყვნენ და სად მიდიოდნენ. ასე მოვიდნენ თერჯოლაში. მათი პირველი მასპინძელი მაშინდელი პიონერული ქალაქი „საპოვნელა“ იყო. სიყვარულით და მაღლიერებით საუბრობენ მასპინძლებზე, როგორ სიყვარულით მიიღო და ჩაიხუტა „საპოვნელას“ დირექტორმა ქალბატონმა ლამიზრა ბარბაქაძემ, რისთვისაც უღრმეს მადლობას და პატივისცემას უძღვნიან მას.

„კარგად მიგვიღეს, თუმცა ჩვენი მხარე გვენატრებოდაო“, ამბობენ დანანებით და თითოეულის სახეზე და თვალებში იკითხება, რომ ბედნიერები მხოლოდ იქ, საკუთარ მხარეში იქნებიან, სადაც დაიბადნენ, ფეხი აიდგეს და ანუ სადაც მათი შინაა.

ეთერ ტურავამ თავადაც გაიხსენა აფხაზეთის ომთან დაკავშირებული მწარე მოგონებები. მისი ახლობლებისა და ოჯახის ნათესავების თავს გადახდენილი ისტორიები.

2008 წლის ომიც გაიხსენეს და მაინც... „შენი სიცოცხლე არის უკვდავი, შენ დამარცხება არ გინერია“, იმედით შეუძახეს მამულს...

ისევ ღამაზად წაკითხული ლექსები და სიმღერები.

სცენაზე დგანან სრულიად ჩამოყალიბებული ახალგაზრდები, გააზრებული მოვლენების შეფასებებით სევდით გულდამძიმებულ ადამიანებთან ერთად მაინც უკეთესი ხვალისდელი დღის მომლოდინე და იმედიანები.

ყველაფერი იყო ძალიან ნათელი და მიუხედავად მწარე და ტკივილიანი რეალობისა უმთავრესი სათქმელი ითქვა: „ჩვენ დავბრუნდებით აფხაზეთში“... „და შენამდე არც თუ ისე შორია“...

ღონისძიებას საუკეთესო წამყვანი თიკა კოვირიძე და საუკეთესო მონაწილენი ჰყავდა. ესენი იყვნენ: ანა მარია რობაქიძე, ლუკა ქურცაძე, თინა სარდანაძე, რეზო ბუსკივაძე, ნათია ქარქაშაძე, გიორგი ზარნაძე, ლიზი ბუსკივაძე, ირაკლი კუბლაშვილი, ანი ჯანგიანი, გიორგი კუბლაშვილი და კიდევ სიმღერებში საუკეთესო დამხმარე შემსრულებლები: სამუსიკო სკოლის გაერთიანებული ან-

სამბლის „ჭიუხის“ წევრები, ღვანკითის საჯარო სკოლის მოსწავლეები: მარიამ ქურცაძე, მარიამ ზარნაძე მე-4 კლასი, ფატი ზარნაძე—მე-7 კლასი, მედეა ბუსკივაძე, ნინი კუბლაშვილი—მე-8 კლასი, თითოეულ მოსწავლეს და პედაგოგს რამაზ მემანიშვილს ეთერ ტურავამ მადლობა გადაუხადა დახმარებისათვის.

ყველანი ბოლომდე დაინარჯნენ და ერთი ღამაში დღე წამდვილად აჩუქეს სტუმრებსა და ყველა მაყურებელს.

ღონისძიებას დაესწრნენ და მოსწავლეთა და მასწავლებლების ერთობლი-



ვად წარმოდგენილი ღონისძიებისათვის მადლობა გადაუხადეს სკოლის ღვანკითის სკოლის პედაგოგს, ქალბატონ ეთერ ტურავას და თითოეულ მონაწილეს საუკეთესოდ მიგნებული და ყოველთვის აქტუალური თემის ასე ღამაზად ჩვენებისათვის: სკოლის დირექტორი ინგა ჯალიაშვილი, საგანმანათლებლო რესურსცენტრის ხელმძღვანელი ქეთევან შეყრილაძე, საბავშვო ბიბლიოთეკის ხელმძღვანელი რუსუდან ნიშნიანიძე, მათი რობაქიძე რესურსცენტრის წარმომადგენელი, ღვანკითის საჯარო სკოლის კურსდამთავრებული, სოფო ბუსკივაძე, ამ სკოლის კურსდამთავრებული, ტურინის ცენტრის ხელმძღვანელი, ნინო ხუჯაძე ღვანკითის საბავშვო ბაღის დირექტორი.

P.S. ეთერ მასწავლებელს კიდევ აქვს სათქმელი... ღვანკითის სკოლა ერთ-ერთი იყო, რომლის მასწავლებელმა, ეთერ ტურავამ მოსწავლეებთან ერთად ომის დამთავრების შემდეგ თვალცრემლიანებმა მოიარეს კოდორის ხეობა, ჭებერამდე გაიარეს ის გზა, ის სიკვდილ-სიცოცხლის გზა, რომელიც აფხაზეთიდან დევნილებმა გამოიარეს. გზადაგზა იყო დაღუპული პატარებისა და დიდების საფლავები, იყო ნივთები და ეს ყველაფერი იყო საშინელი სანახავი.

მზია ციციშვილი

შპს „თერჯოლა“		კორესპონდენტები:		აიწყო და დაკაბადონდა რედაქციის კომპიუტერულ ცენტრში		ჩვენი რეკვიზიტები: „ლიბერთი ბანკი“	
გამომცემელი	მთავარი რედაქტორი	უ. ცხადაძე—558 90 82 55	მ. ციციშვილი—555 28 11 41	მისამართი:		LBRTGE22,	
ვალერიან გოგიაშვილი	დავით კლდიაშვილი			ქ. თერჯოლა, კოსტავას ქუჩა №2		ანგარიში	
599 92 49 75	599 91 24 14			დაიბეჭდა ქუთაისის		GE32LB0113133960124000	
ს ა რ ე დ ა ქ ც ი ო კ ო ლ ე ბ ი ა				შპს „ნომლი ენ“-ის სტამბაში		ს/კ 231948872	
რეგისტრაციის №53/5/ბ-22	გამოდის თვეში ორჯერ	ელ-ფოსტა: gazetiterjola@gmail.com		ქუთაისი, ჭავჭავაძის გამზ. №33			